

四庫全書

經部

# 欽定四庫全書

經部

程氏春秋分記卷四十六

詳校官監察御史臣李陽樞

給事中臣溫常綬覆勘

總校官原任中允臣王燕緒

校對官主簿臣汪日贊

謄錄監生臣張鴻仁

欽定四庫全書

春秋分記卷四十六

宋

程公說

撰

周天王第二

景王

敬王

景王

臨濮由義而辭曰景

名貴靈王子襄二十八年嗣立明年改元至昭二十二年崩在位二十五年

襄公傳二十九年夏五月葬靈王

不書魯不書會

鄭上卿有事

子展使印段往伯有曰弱不可子展曰與其莫往弱不

猶愈乎詩云王事靡盬不遑啟處四壯東西南北誰敢寧

處堅事晉楚以蕃王室也王事無曠何常之有遂使印段

如周

經三十年夏五月天王殺其弟佞夫王子瑕奔晉

傳三十年 初王儋丁甘切季卒靈王弟其子括將見王而

嘆單公子愆期為靈王御士過諸廷聞其嘆而言曰鳴

呼必有此夫欲有此朝廷之權入以告王且曰必殺之不感而

願大視躁而足高心在他矣不殺必害王曰童子何知

及靈王崩詹括欲立王子佞夫

靈王子  
景王弟

佞夫弗知戊子

詹括圍為逐成愆成愆奔平時五月癸巳尹言多劉穀  
單蔑甘過輦成殺佞夫括瑕廖奔晉書曰天王殺其弟  
佞夫罪在王也

昭公傳七年單獻公弃親用羈冬十月辛酉襄頃之族  
殺獻公而立成公

傳九年春周甘人與晉閻嘉爭閻田晉梁丙張趯率陰

戎伐潁

周邑

王使詹桓伯辭於晉曰我自夏以后稷魏駘

芮岐畢吾西土也

在夏世以后稷功受此五國為西上之長

及武王克商蒲

姑商奄吾東土也巴濮楚鄧吾南土也肅慎燕亳吾北

土也吾何適封之有

通近

文武成康之建母弟以蕃屏周

亦其廢隊是為

為後世廢隊兄弟之國當救之

豈如弁髦而因以敝之

童子垂髦始冠必三加冠成禮而弁其始冠

先王居擣杙于四裔以禦魑魅

故允姓之姦居于瓜州

陰戎之祖

伯父惠公歸自秦而誘以

來

僖十五年晉惠自秦歸二十二年秦晉遷陸渾之戎於伊川

使偁我諸姬入我郊

甸則戎焉取之戎有中國誰之咎也

咎在晉

后稷封殖天

下今戎制之不亦難乎伯父圖之我在伯父猶衣服之

有冠冕木水之有本原民人之有謀主也伯父若裂冠

毀冕拔本塞原專奔謀主雖戎狄其何有余一人

伯父猶然

雖戎狄無所可責

叔向謂宣子曰文之伯也豈能改物

文公雖伯未能

改正服色翼戴天子而加之以共自文以來世有衰德而暴

蔑宗周以宣示其侈諸侯之貳不亦宜乎且王辭直子

其圖之宣子說王有姻喪

外親之喪

使趙成如周弔且致閭

田與祿

送死衣

反潁俘王亦使賓滑執甘大夫襄以說於

晉晉人禮而歸之

傳十一年秋單子會韓宣子于戚視下言徐叔向曰單

子其將死乎朝有著定

朝內列位常處謂之表著

會有表

野會設表為位

衣

有襜

領也

帶有結會朝之言必聞于表著之位所以昭事

序也視不過結襜之中所以道容貌也言以命之容貌

以明之失則有闕今單子為王官伯而命事於會視不

登帶言不過步貌不道容而言不昭矣不道不共不昭

不從無守氣矣冬十二月單成公卒



傳十二年周原伯綏虐其與也衆臣使曹也羣逃冬十月壬

申朔原與人逐綏而立公子跪尋公綏綏奔郊甘簡公無

子立其弟過過將去成景之族成公景公皆過先君成景之族賂

劉獻公殺過使丙申殺甘悼公而立成公之孫鮑平丁酉

殺獻太子之傅庾皮之子過殺瑕辛于市及宮嬖綽王

孫沒劉州鳩陰忌老陽子甘悼公黨

經十有三年秋公會劉子晉侯齊侯宋公衛侯鄭伯曹

伯莒子邾子滕子薛伯杞伯小邾子于平丘

傳十五年夏六月乙丑王太子壽卒

景王子

秋八月戊

寅王穆后崩

壽之母

冬十二月晉荀

欒文伯

如周葬穆后

籍談為介既葬除喪以文伯宴樽以魯壺

魯所獻壺

王曰伯

氏諸侯皆有以鎮撫王室晉獨無有何也文伯揖籍談

對曰諸侯之封也皆受明器於王室以鎮撫其社稷故

能薦彝器於王晉居深山戎狄之與鄰而遠於王室王

靈不及拜戎不暇其何以獻器王曰叔氏而忘諸乎

叔籍

談字叔父唐叔成王之母弟也其反無分乎密須之鼓與

其大路文所以大蒐也

文王伐密須得其畝路

闕鞏之甲武所以

克商也唐叔受之以處參虛匡有戎狄

參虛實沈之次晉之分野

其

後襄之二路

周襄王賜晉文大路戎路

鉞鉞鉅鬯

鉞斧鉞金鉞鉅黑黍鬯香酒

彤

弓虎賁文公受之以有南陽之田

僖二十八年

撫征東夏非

分而何夫有勲而不廢有績而載奉之以土田撫之以

彝器旌之以車服明之以文章子孫不忘所謂福也福

祚之不登叔父焉在且昔而高祖孫伯鯨

諱九世祖

司晉之

典籍以為大政故曰籍氏及辛有之二子董之晉於是

乎有董史女司典之後也何故忘之籍談不能對賓出王  
曰籍父其無後乎數典而忘其祖籍談歸以告叔向叔  
向曰王其不終乎吾聞之所樂必卒焉今王樂憂若卒  
以憂不可謂終王一歲而有三年之喪二焉於是乎以  
喪賓宴又求彝器樂憂甚矣且非禮也彝器之來嘉功  
之由非由喪也三年之喪雖貴遂服禮也

天子諸侯除喪當在卒哭

今王既葬而除故譏其不遂新注三年之喪自天子達于庶人杜預謂天子諸侯除喪當在卒哭今王既葬而

除此但見春秋時制非古制

王雖弗遂宴樂以早亦非禮也禮王之

大經也一動而失二禮無大經矣言以考典典以志經  
忘經而多言舉典將焉用之

傳十八年春王二月乙卯周毛得殺毛伯過而代之

代居

其其莢弘曰毛得必亡是昆吾稔之日也侈故之以昆吾

也侈惡積熟以乙卯日與桀同誅而毛得以濟侈於王都不亡何待為二

十六年毛伯奔楚傳秋葬曹平公往者見周原伯魯焉與之語

不說學歸以語閔子馬閔子馬曰周其亂乎夫必多有

是說而後及其大人

在位者

大人患失而惑又曰可以無

學無學不害不學則苟而可於是乎下陵上替  
能無亂乎夫學殖也不學將落原氏其亡乎

傳二十一年春天王將鑄無射

鍾名音亦

泠州鳩曰王其以

心疾死乎今鐘槲矣王心弗堪其能久乎

詳見禮樂書

經二十有二年夏四月乙丑天王崩六月叔鞅如京師

葬景王王室亂劉子單子以王猛居于皇秋劉子單

子以王猛入于王城冬十月王子猛卒

未即位不言崩

傳二十二年王子朝賓起有寵於景王

子朝景王長庶子起子朝之傳

王與賓孟

即起

說之欲立之劉獻公之庶子伯蚩事單穆

公惡賓孟之為人也願殺之又惡王子朝之言以為亂

願去之賓孟適郊見雄雞自斷其尾問之侍者曰自憚

其犧也

畏為犧牲故自殘毀

遽歸告王且曰雞其憚為人用乎人

異於是犧者實用人人犧實難已犧何害

設使寵人如寵犧則不宜

假人以招禍喻子朝欲使王早寵異之

王弗應

十五年大子壽卒王立子猛後復欲立子朝而未定

夏四月王田北山使公卿皆從將殺單子劉子

王知單劉

不欲立子朝欲因田獵先殺之

王有心疾乙丑崩于榮錡氏戊辰劉子

執卒無子單子立劉蚤五月庚辰見王

見王猛

遂攻賓起

殺之盟羣王子于單氏六月丁巳葬景王王子朝因舊

官百工之喪職秩者與靈景之族以作亂

靈王景王子孫

帥郊

要餞之甲以逐劉子

蚤

壬戌劉子奔揚單子逆悼王

子猛

于莊宮以歸王子還

子朝黨

夜取王以如莊宮癸亥單子

出

失王故奔

王子還與召莊公謀曰不殺單旗不捷與之重

盟必來背盟而克者多矣從之樊頃子曰非言也必不

克

樊齊單劉黨

遂奉王以追單子及頴大盟而復

頴周地欲重盟令單



子劉子  
從歸

殺摯荒以說委罪於荒

劉子如劉單子亡乙丑奔于

平時羣王子追之單子殺還姑發弱驥延定稠

八子靈景之族

子朝奔京

其黨死故

丙寅伐之

單子伐京

京人奔山劉子入于王

城辛未鞏簡公敗績于京乙亥甘平公亦敗焉

叔鞅

至自京師

葬景公還

言王室之亂也閔馬父曰子朝必不克

其所與者天所廢也

謂羣喪職扶者

單子欲告急於晉秋七

月戊寅以王如平時遂如圃車次于皇

出次以示急

劉子如

劉單子使王子處

子猛黨

守于王城盟百工于平宮辛卯

鄆肸伐皇

子朝黨

大敗獲鄆肸壬辰焚諸王城之市

焚鄆肸

八月辛酉司徒醜以王師敗績于前城

子朝所得邑

百工叛

己巳伐單氏之宮敗焉

為單氏所敗

庚午反伐之

單氏反伐百工

辛

未伐東圍 冬十月丁巳晉籍談荀躒帥九州之戎及

焦瑕溫原之師以納王于王城庚申單子劉盭以王師

敗績于郊前城人敗陸渾于社十一月乙酉王子猛卒

乙酉在十一月經書十月誤

不成喪也已丑敬王即位

王猛母弟王子旬

館

于子旅氏十二月庚戌晉籍談荀躒賈辛司馬督帥師

軍于陰

籍談所軍

于侯氏

荀躒所軍

于谿泉

賈辛所軍

次于社

司馬賢所次

王師軍于汜于汜于解次于任人閏月晉箕遺樂徵右

行詭濟師取前城

三子晉大夫

軍其東南王師軍于京楚

子朝

在所辛丑伐京毀其西南

敬王

謚灋令善典灋曰敬

名勾景王子昭二十二年景王崩國人立長子猛是為悼王子朝攻殺猛自立晉人

攻子朝立勾明年改元四年入成周子朝王城為西周敬王成周為東周十六年子

朝之徒復作亂敬王奔晉十七年晉定公入之于周三十九年哀之十四年獲麟經

在位四十三年

昭公經二十有三年春王正月晉人圍郊 秋七月天

王居于狄泉尹氏立王子朝

傳二十三年春王正月壬寅朔二師圍郊

王師晉師

癸卯郊

鄆潰丁未晉師在平陰王師在澤邑王使告間

晉閹子朝敗故

庚戌還

晉師還

夏四月乙酉單子取訾劉子取牆人直

人

三邑屬子朝

六月壬午王子朝入于尹

自京入尹氏邑

癸未尹圉

大誘劉佗殺之

劉蚩族敬王黨

丙戌單子從阪道劉子從尹道

伐尹單子先至而敗劉子還

單子敗故

己丑召伯與南宮極

以成周人戍尹

子朝之黨

庚寅單子劉子樊齊以王如劉

辟子

出朝甲午王子朝入于王城次于左巷

秋七月戊申鄆

羅納諸莊宮尹辛敗劉師于唐丙辰又敗諸鄆甲子尹

辛取西闌丙寅攻蒯蒯潰

敬王居狄泉尹氏又立子朝

八月丁酉南

宮極震蕘弘謂劉文公曰君其勉之先君之力可濟也

謂箕之父獻公欲立子猛未及而卒

周之亡也其三川震

幽王時

今西王之

大臣亦震天棄之矣

子朝在王城

東王必大克

敬王居狄泉在王城之東

傳二十四年春王正月辛丑召簡公南宮嚳以甘桓公見王子朝劉子謂襄弘曰甘氏又往矣對曰何害同德度義大誓曰紂有億兆夷人亦有離德余有亂臣十人

同心同德此周所以興也君其務德無患無人戊午王

子朝入于鄔三月庚戌晉侯使士景伯涖問周故

就問子朝

敬王曲直

士伯立于乾祭而問於介衆晉人乃辭王子朝不

納其使

衆言子朝曲

六月壬申王子朝之師攻瑕及杏皆潰

敬王邑

鄭伯如晉子大叔相見范獻子獻子曰若王室何

對曰老夫其國家不能恤敢及王室抑人亦有言曰嫠

不恤其緯

織者常苦緯少寡婦所宜憂

而憂宗周之隕為將及焉今

王室實蠢蠢焉

動擾貌

吾小國懼矣然大國之憂也吾儕

何知焉吾子其早圖之詩曰瓶之罄矣惟蠆之恥王室

之不寧晉之耻也獻子懼而與宣子圖之乃徵會於諸

侯期以明年冬十月癸酉王子朝用成周之寶珪于

河

求福于河

甲戌津人得諸河上

珪自出水

陰不佞以溫人南侵

敬王大夫晉以溫兵助敬王南侵子朝

拘得王者取其玉將賣之則為石

王定而獻之與之東訾

經二十有五年夏叔詣會晉趙鞅宋樂大心衛北宮喜鄭游吉曹人邾人滕人薛人小邾人于黃父

傳二十五年夏會于黃父謀王室也趙簡子令諸侯之

大夫輸王粟具戍人曰明年將納王 宋樂大心曰我

不輸粟我於周為客

二王後為賓客

若之何使客晉士伯曰自

踐土以來

倍二十八年

宋何役之不會而何盟之不同曰同

恤王室子焉得辟之子奉君命以會大事而宋背盟無



乃不可乎右師不敢對受牒而退士伯告簡子曰宋右師必亡奉君命以使而欲背盟以干盟主無不祥大焉冬十月壬申尹文公涉于鞏焚東訾弗克

經二十有六年冬十月天王入于成周尹氏召伯毛伯以王子朝奔楚

傳二十六年夏四月單子如晉告急五月戊午劉人敗

王城之師于尸氏

王城子朝之徒

戊辰王城人劉人戰于施谷

劉師敗績秋七月己巳劉子以王出庚午次于渠王

城人焚劉

燒劉子邑

丙子王宿于褚氏丁丑王次于崔谷庚

辰王入于胥靡辛巳王次于滑晉知躒趙鞅帥師納王

使女寬守闕塞

晉大夫守之備子朝

冬十月丙申王起師于滑

辛丑在郊

子朝邑

遂次于尸十一月辛酉晉師克鞏召伯

盈逐王子朝

伯盈本黨子朝更逐之逆敬王

王子朝及召氏之族毛伯

得尹氏固南宮嚚奉周之典籍以奔楚陰忌

子朝黨

奔莒

以叛召伯逆王于尸及劉子單子盟遂軍圍澤次于隄上

癸酉王入于成周甲戌盟于襄宮晉師使成公般

音班戌

周而還十二月癸未王入于莊宮王子朝使告于諸侯

曰昔武王克殷成王靖四方康王息民並建母弟以藩

屏周亦曰吾無專享文武之功且為後人之迷敗傾覆

而溺入于難則振救之至于夷王王愆于厥身厲王父諸侯

莫不並走其望以祈王身至于厲王王心戾虐萬民弗

忍居王于彘諸侯釋位以間王政間與也宣王有志而後

效官至于幽王天不弔周王昏不若用愆厥位攜王幽王

少奸命諸侯替之而建王嗣平王用遷邲邲則是兄弟之

能用力於王室也至于惠王天不靖周生頽禍心施于

叔帶惠襄辟難越去王都則有晉鄭咸黜不端

晉文叔叔帶鄭

厲殺子頽為王室去不端直人

以綏定王家則是兄弟之能率先王之

命也在定王六年秦人降妖曰周其有髭王亦克能脩

其職諸侯服享二世共職

靈景

王室其有間王位諸侯不

圖而受其亂災

間王位謂子朝也今子朝以為王猛受亂災謂楚也

至于靈王生

而有髭王甚神聖無惡於諸侯靈王景王克終其世今

王室亂單旗劉狄

也

剥亂天下壹行不若謂先王何常

之有唯余心所命其誰敢討之帥羣不弔之人以行亂  
于王室侵欲無厭規求無度貫瀆鬼神慢弃刑灋倍奸  
齊盟傲很威儀矯誣先王晉為不道是攝是贊思肆其  
罔極茲不穀震盪播越竄在荆蠻未有攸底若我一二  
兄弟甥舅獎順天灋無助狡獪以從先王之命毋速天  
罰敕圖不穀則所願也敢盡布其腹心及先王之經而  
諸侯實深圖之昔先王之命曰王后無適則擇立長年  
鈞以德德鈞以下王不立愛公卿無私古之制也穆后

及大子壽早夭即世

十五

單劉贊私立少以間先王亦

唯伯仲叔季圖之

伯仲叔季  
摠謂諸侯

閔馬父聞子朝之辭曰文

辭以行禮也子朝干景之命遠晉之大以專其志無禮

甚矣文辭何為

經二十七年秋晉士鞅宋樂祁犂衛北宮喜曹人邾人

滕人會于扈

傳二十七年秋會于扈令戍周也冬十二月晉籍秦

致諸侯之戍于周魯人辭以難

昭公  
孫齊

傳二十九年春三月己卯京師殺召伯盈尹氏固及原

伯魯之子

皆子朝黨

尹固之復也

二十六年尹固與子朝俱奔楚而道還

有婦

人遇之周郊尤之曰處則勸人為禍行則數日而反是

夫也其過三歲乎夏五月庚寅王子趙車

子朝之餘

入于

鄆以叛陰不佞敗之

經三十有二年冬仲孫何忌會晉韓不信齊高張宋仲

幾衛世叔申鄭國參曹人莒人薛人杞人小邾人城成周

傳三十二年秋八月王使富辛與石張如晉請城成周

天子曰天降禍于周俾我兄弟並有亂心

子朝

以為伯父

憂我一二親昵甥舅不遑啟處於今十年

二十三年二師圍郊至今

勤戍五年

二十八年晉籍秦致諸侯之戍至今

余一人無日忘之閔閔焉

如農夫之望歲懼以待時伯父若肆大惠復二文之業

弛周室之憂

文侯仇文公重耳

徵文武之福以固盟主宣昭令

名則余一人有大願矣昔成王合諸侯城成周以為東

都崇文德焉今我欲徵福假靈于成王脩成周之城俾

戍人無勤諸侯用寧螫賊遠屏晉之力也其委諸伯父



使伯父實重圖之俾我一人無徵怨于百姓而伯父有

榮施先王庸之范獻子謂魏獻子曰與其戍周不如城

之天子實云

云欲罷戍而城

雖有後事晉勿與知可也從王命

以紓諸侯晉國無憂是之不務而又焉從事魏獻子曰

善使伯音對

韓不信

曰天子有命敢不奉承以奔告於諸

侯遲速衰序於是焉在冬十一月晉魏舒韓不信如

京師合諸侯之大夫于狄泉尋盟且令城成周

尋平丘盟魏

子南面衛彪傒曰魏子必有大咎干位以令大事非其

任也詩曰敬天之怨不敢戲豫敬天之渝不敢馳驅况  
敢干位以作大事乎已丑士彌牟營成周計丈數揣高  
卑度厚薄仞溝洫土方議遠邇量事期計徒庸慮材  
用書餼糧以令役於諸侯屬役賦丈書以授帥而效諸  
劉子韓簡子臨之以為成命

定公經元年春三月晉人執宋仲幾于京師

傳元年春王正月辛巳晉魏舒合諸侯之大夫于狄泉  
將以城成周魏子蒞政屬役於韓簡子及原壽過卒於

甯孟懿子會城成周庚寅裁

板築

宋仲幾不受功曰滕薛

卿吾役也

欲使三國代宋受役

薛宰曰宋為無道絕我小國於周

以我適楚故我常從宋晉文公為踐土之盟曰凡我同

盟各復舊職若從宋亦唯命仲幾曰踐土固然

薛舊為宋役

薛宰曰薛之皇祖奚仲居薛以為夏車正奚仲遷于邳

仲虺居薛以為湯左相若復舊職將承王官何故以役

諸侯仲幾曰三代各異物薛焉得有舊

居周世不得以夏殷為舊

為

宋役亦其職也士彌牟曰晉之從政者新

范獻子新為政未習故事

子姑受功歸吾視諸故府仲幾曰縱子忘之山川鬼神其忘諸乎士伯怒謂韓簡子曰薛徵於人宋徵於鬼宋罪大矣且已無辭而抑我以神誣我也啟寵納侮其此之謂矣必以仲幾為戮乃執仲幾以歸三月歸諸京師城三旬而畢乃歸諸侯之戍齊高張後不從諸侯晉女叔寬曰周襄弘齊高張皆將不免襄叔違天高子違人天厭周德襄弘欲遷都以延祚故曰違天諸侯相帥崇天子而高子後期故曰違人天之所壞不可支也衆之所為不可奸也

為襄三年周人殺襄弘六年高張來奔起

周

鞏簡公奔其子弟而好用遠人

傳二年夏四月辛酉鞏氏之羣子弟賊簡公

經四年春三月公會劉子晉侯宋公蔡侯衛侯陳子鄭伯許男曹伯莒子邾子頓子胡子滕子薛伯杞伯小邾子齊國夏于召陵侵楚

秋七月劉卷卒葬劉文公

無傳

傳五年春王人殺子朝于楚

傳六年春二月公侵鄭取匡為晉討鄭之伐胥靡也

夏四月周儋翩率王子朝之徒因鄭人將以作亂于周

鄭於是乎伐馮滑胥靡負黍狐人闕外六月晉閻沒戍周且城胥靡冬十二月天王處于姑猶辟僖翩之亂也

傳七年春二月周僖翩入于儀栗以叛夏四月單武

公

穆公

劉桓公

文公

敗尹氏于窮谷

尹氏復黨僖翩

冬十一

月戊午單子劉子逆王于慶氏

姑猶大夫

晉籍秦送王已已

王入于王城館于公族黨氏而後朝于莊宮

傳八年春二月己丑單子伐穀城劉子伐儀栗

討僖翩之黨

辛卯單子伐簡城劉子伐孟以定王室

傳終王室之亂

經十有四年秋天王使石尚來歸賑

無傳

哀公傳三年劉氏

周卿士

范氏

晉大夫

世為昏姻萇弘事劉

文公故周與范氏趙鞅以為討

見晉

六月癸卯周人殺萇

弘

終違天之禍新注杜注未必然抑宗元弔萇弘文殺身之匪予戚子閔宗周之不定莊子外篇謂血化為

碧忠義可知矣

傳十九年冬叔青如京師敬王崩故也

史記皆在十八年

右周天王始終春秋凡十有三王書崩者凡七

不書崩者三悼王子猛未踰年書卒敬王後春秋經終敬王子元王八年崩哀之二十六年也元王子貞定王元年左傳終矣元王以下十一世而周亡

論曰王者之迹熄而詩亡詩亡然後春秋作邶鄘而下多春秋時詩也而謂詩亡然後春秋作何也自黍離降為國風天下無復雅而王者之詩亡矣春秋作於隱公昉乎雅亡之後詩之所終春秋之所以始也隱之所始平



王之所以終也按小雅正月刺幽王詩也而曰赫赫宗周褒姒滅之逮魯孝公末幽王為犬戎所斃惠公初年周既東矣春秋不作於孝公惠公者東遷之始流風遺俗猶有存者鄭武公入為司徒善於其職則猶用賢也晉侯扞王于艱錫之鉅鬯則猶有誥命也王曰其歸視爾師則諸侯猶來朝也義和薨謚為文侯則列國猶有請也及平王在位日久不能自立棄其九族葛藟有終遠兄弟之刺不撫其民周人有東薪流楚之譏逮夫末年

失道滋甚以天王之尊下賄諸侯之妾於是三綱淪九  
經斃人望絕矣祭伯非王命而私交武氏子非王命而  
求賄以至鄭莊為卿士用舍不出於公而以虛言欺之  
至其怨王奪政則有交質之舉若敵國然王綱解紐委  
靡不振皆自平王失之春秋於此蓋有不得已焉託始  
於隱其傷周室凌遲雖有繼世之王亦不能以復興矣  
孔子嘗曰如有用我者其為東周乎此春秋撥亂世反  
諸正尊一王之法也抑嘗求之隱桓之間政自諸侯出

而猶未恣橫小國未有被執遭滅而邦國尚知有王室  
焉及莊僖而下霸政代興盟會征伐皆霸者司之甚則  
執其君墟其社稷於王政乎何有又降而政在大夫則  
夷狄盛陪臣彊變日極矣故備論之以證東周一代所  
以升降而明作春秋宗指若其行事則具著于篇

春秋分記卷四十六

欽定四庫全書

春秋分記卷四十七

宋 程公說 撰

內魯第一

子言之我欲載之空言不如見之行事之深切著明也  
知我者其惟春秋乎則何以約乎魯史如曰我欲觀夏  
道是故之杞杞不足徵也吾得夏時焉我欲觀殷道是  
故之宋宋不足徵也吾得坤乾焉我觀周道幽厲傷之  
吾捨魯何適矣春秋所以託魯者約魯史以明王法以

尊天王正列國訓大夫非獨為魯也而必因魯以見也  
始隱終哀十二公書元年正始著受終易代而學公羊  
者謂春秋託新王受命於魯因錄即位其妄如此雖然  
春秋本諸魯史則魯十二公行事可考見也用次之周  
曰內魯凡正月無事必書謹魯史之始而盟會征伐於  
魯詳焉魯史故也自是以下則各自著錄云

姬姓侯爵其先出自周文王第四子公旦公旦佐文  
武命為宰周公留相成王主自陝以東諸侯封長子

伯禽於曲阜為魯侯自伯禽至隱公凡十四世春秋  
始隱公至哀公十二世哀公十四年春秋絕筆獲麟  
二十七年哀公薨左氏傳終國在今襲慶府仙源縣

隱公

桓公

莊公

隱公

諡濔不尸  
其位曰隱

名息姑惠公子繼室聲

子所生在位十一年薨

傳惠公元妃孟子孟子卒繼室以聲子生隱公宋武公

生仲子仲子生而有文在其手曰為魯夫人故仲子歸于我生桓公而惠公薨是以隱公立而奉之

經元年春王正月三月公及邾儀父盟于蔑秋七月

天王使宰咺來歸惠公仲子之賵九月及宋人盟于宿

冬十有二月祭伯來

新注凡王朝及諸侯之來于魯傳文雖詳見他國而經皆書于此以

魯史也下倣此

公子益師卒

傳元年春王周正月

胡安國曰按左氏曰王周正月周人以建子為歲首



則冬十一月是也前乎周者以丑為正其書始即位曰惟元祀十有二月則知月不易也後乎周者以亥為正其書始建國曰元年冬十月則知時不易也建子非春亦明矣乃以夏時冠周月何哉聖人語顏回以為邦則曰行夏之時作春秋以經世則曰春王正月此見諸行事之驗也或曰非天子不議禮仲尼有聖德無其位而改正朔可乎曰有是言也不曰春秋天子之事乎以夏時冠月垂法

後世以周正紀事示無其位不敢自專也其旨微矣  
不書即位攝也

公說曰禮天子亮陰百官總己以聽於冢宰三年太  
甲之徂桐宮居憂三年伊尹以冕服奉鬯王成王少  
周公相之為政七年而後反蓋以冢宰為政耳大誥  
曰武王崩三監及淮夷叛周公相成王將黜殷作大  
誥凡此皆書所載也隱公居位十有一年生稱公歿  
稱薨安得謂之攝胡安國曰隱公闕即位仲尼削

之也內不承國於先君上不稟命於天子諸大夫  
扳已以立而遂立焉是與爭亂造端而篡弑所由起  
也春秋首絀隱公以明大法父子君臣之倫正矣  
三月公及邾儀父盟于蔑邾子克也公攝位而欲求好  
於邾故為蔑之盟 夏四月費伯帥師城郎不書非公  
命也 秋七月天王使宰咺來歸惠公仲子之賵緩且  
子氏未薨故名天子七月而葬同軌畢至諸侯五月同  
盟至大夫三月同位至士踰月外姻至贈死不及尸弔

生不及哀豫凶事非禮也

公說曰仲子者惠公再娶於宋生桓公者也諸侯  
無再娶仲子不得為夫人故不稱夫人不書卒葬  
而書天王歸賵譏之也左氏以為豫凶事子氏未  
薨故名之是左氏以子氏仲子為一人矣杜預附  
會其說曰子氏仲子也仲子在而來賵其誣甚矣  
周德雖衰不應生歸人賵孔穎達因之曰惠公薨  
在往年明年仲子始薨於時有疾王聞之謂已薨

故使太宰大夫名咺者來魯并歸惠公仲子之贈且  
有因赴而後贈未有方疾而并歸之也大抵孔氏  
之說因杜氏杜氏之說因左氏學者以經為斷則  
傳注豫凶事之說不可以不刪

八月有蜚不為災亦不書惠公之季年敗宋師于黃公  
立而求成焉九月及宋人盟于宿始通也 冬十月庚  
申改葬惠公公弗臨故不書惠公之薨也有宋師大子  
少葬故有闕是以改葬衛侯來會葬不見公亦不書

鄭伐衛請師於邾邾子使私於公子豫豫請往公弗許  
遂行公子豫及邾人鄭人盟于翼不書非公命也新作  
南門不書亦非公命也十二月衆父卒公不與小斂故  
不書日

馮正符曰如左氏言君與斂則書日然公子牙卒時  
公有疾公孫敖卒于齊仲遂卒于垂皆不在魯叔孫  
婁叔詣卒時公在外公孫嬰齊卒于貍脤亦在外者  
公豈與斂而皆書日哉是左氏之感也不日者史失

之矣

經二年春公會戎于潛夏五月無駭帥師入極秋八月

庚辰公及戎盟于唐九月紀履緌來逆女

傳見紀

冬十月伯姬歸于紀十有二月乙卯夫人子氏薨

無傳

穀梁傳夫人薨不地夫人者隱之妻也卒而不書葬夫人之義從君者也

傳二年春公會戎于潛修惠公之好也戎請盟公辭夏司空無駭入極費季父勝之戎請盟秋盟于唐復修戎

好也

經三年春王二月己巳日有食之

無傳

夏四月辛卯君氏

卒 秋武氏子來求賻

傳三年夏君氏卒聲子也不赴于諸侯不反哭于寢不  
祔于姑故不曰薨不稱夫人故不言葬不書姓為公故  
曰君氏

公說曰尹氏卒公羊曰天子之大夫也譏世卿穀梁  
亦曰天子之大夫也獨左氏以為聲子而於文為君



氏以尹為君蓋字之訛也故於此辯左氏君氏之  
非而系尹氏卒于周云

經四年春王二月 夏公及宋公遇于清秋 翬帥師會

宋公陳侯蔡人衛人伐鄭

傳四年春公與宋公為會將尋宿之盟

元年

未及期衛人

來告亂

州吁之亂

夏公及宋公遇于清

秋諸侯復伐鄭宋

公使來乞師公辭之羽父

公子翬

請以師會之公弗許固

請而行故書曰翬帥師疾之也

新注鄭康成曰固請而行者著其強很之性無

憚隱之心後終試  
隱故是深疾之焉

經五年春公矢魚于棠 秋九月考仲子之宮初獻六

羽螟

無傳

冬十二月辛巳公子彊卒

傳五年春公將如棠觀魚者臧僖伯諫曰凡物不足以  
講大事其材不足以備器用則君不舉焉君將納民於  
軌物者也公曰吾將畧地焉遂往陳魚而觀之僖伯稱  
疾不從

才用反

書曰公矢魚于棠非禮也且言遠地也

詳見

禮樂  
書

秋九月考仲子之宮將萬萬焉公問羽數於衆仲對曰

天子用八八八六十四人諸侯用六六六三十六人大夫四四四十六人士

二二二四夫舞所以節八音而行八風故自八以下公從

之於是初獻六羽始用六佾也鄭人伐宋入其郭宋

來告命公聞其入郭也將救之問於使者曰師何及對

曰未及國公怒乃止辭使者曰君命寡人同恤社稷之

難今問諸使者曰師未及國非寡人之所敢知也冬

十二月辛巳臧僖伯卒公曰叔父有憾於寡人憾諫寡

人弗敢忘葬之加一等

經六年春鄭人來渝平夏六月辛酉公會齊侯盟于艾  
傳六年春鄭人來渝平夏成也夏盟于艾始平于齊也

經七年春王三月叔姬歸于紀

無傳

夏城中丘齊侯使

其弟年來聘秋公伐邾冬天王使凡伯來聘

傳七年夏城中丘書不時也齊侯使其弟年來聘結艾

之盟也秋宋及鄭平公伐邾為宋討也

懼以求宋

經八年春三月鄭伯使宛來歸祔庚寅我入祔九月辛

邠公及莒人盟于浮來

無傳

冬十有二月無駭卒

傳八年春鄭伯請釋泰山之祀而祀周公以泰山之祊  
易許田三月鄭伯使宛來歸祊不祀泰山也秋公及莒  
人盟于浮來以成紀好也冬無駭卒

公子展孫

羽父請謚

與族公問族於衆仲對曰天子建德因生以賜姓胙之  
土而命之氏諸侯以字為謚因為族官有世功則有  
官族邑亦如之公命以字為展氏

經九年春天王使南季來聘三月癸酉大雨震電庚辰

大雨雪

周三月  
今正月

挾卒

無傳未  
賜族

夏城郎冬公會齊侯于防

傳九年春王三月癸酉大雨霖以震書始也庚辰大雨

雪亦如之書時失也

夏之正月微陽始生未可震電既  
震電又不當大雨雪故皆為時失

凡雨自三日以往為霖平地尺為大雪 夏城郎書不

時也

鄭伯伐宋宋以入郭之役

五年

怨公不告命公怒

絕宋使秋鄭人以王命來告伐宋冬會齊侯于防謀伐

宋也

經十年春王二月公會齊侯鄭伯于中丘夏翬帥師會

齊人鄭人伐宋六月壬戌公敗宋師于管辛未取郕辛巳取防

傳十年春王正月公會齊侯鄭伯于中丘癸丑盟于鄧

為師期夏五月羽父先會齊侯鄭伯伐宋六月戊申

公會齊侯鄭伯于老挑壬戌公敗宋師于管庚午鄭

師入郕辛未歸于我庚辰鄭師入防辛巳歸于我詳見鄭

經十有一年春滕侯薛侯來朝傳見滕薛夏公會鄭伯于

時來秋七月壬午公及齊侯鄭伯入許新注凡盟會征伐雖他國

主之而內魯與馬經皆書  
于此以魯史也下倣此

冬十有一月壬辰公薨

傳十一年秋七月公會齊侯鄭伯伐許 羽父請殺桓

公將以求大宰公曰為其少故也吾將授之矣使營菟

裘吾將老焉

菟裘魯邑

羽父懼反譖公於桓公而請弑之公

之為公子也與鄭人戰于狐壤止

獲也

焉鄭人囚諸尹氏

鄭大夫

賂尹氏而禱於其主鍾巫

主尹氏所主祭

遂與尹氏歸而

立其主

立鍾巫於魯

十一月公祭鍾巫齊

音齊

于社圃館于窩

氏壬辰羽父使賊殺公于窩氏立桓公而討窩氏有死



者不書葬不成喪也

殺音弒

劉敞曰桓潛謀弒欲人不知之故歸罪爲氏豈更令其喪禮不成以自發露邪此乃事之不然又明左氏初不授經于仲尼不知薨不書葬之意

桓公

謚濫辟土服遠曰桓

名允惠公子夫人仲子所生在位十八年薨

經元年春王正月公即位三月公會鄭伯于垂鄭伯以璧假許田夏四月丁未公及鄭伯盟于越秋大水

傳元年春公即位

公羊傳曰弑君不言即位此其言即位何如其意也  
修好于鄭鄭人請復祀周公卒易祊田公許之三月鄭  
伯以璧假許田為周公祊故也 夏四月丁未公及鄭  
伯盟于越結祊成也盟曰渝盟無享國

劉敞曰祊自祊田許自許田以祊易許改為以璧  
易許是為鄭伯諱不為魯公諱也經書入祊久矣  
何故至此乃卒易祊田乎

秋大水凡平原出水為大水

劉敞曰平原出水之事最鮮著為平原出水者記異也

冬鄭伯拜盟

經二年春正月滕子來朝三月公會齊侯陳侯鄭伯于稷以成宋亂夏四月取郕大鼎于宋戊申納于太廟

秋七月杞侯來朝九月入杞傳見公及戎盟于唐冬公

至自唐

傳二年宋大宰督弑殤公會于稷以成宋亂以郕大鼎  
賂公夏四月取郕大鼎于宋戊申納于大廟非禮也臧  
哀伯諫曰君人者將昭德塞違以臨照百官猶懼或失  
之故昭令德以示子孫國家之敗由官邪也官之失德  
寵賂章也郕鼎在廟章孰甚焉武王克商遷九鼎于維  
邕義士猶或非之而况將昭違亂之賂器於大廟其若  
之何公不聽周內史聞之曰臧孫達其有後於魯乎君  
違不忘諫之以德

詳見禮  
樂書

呂祖謙曰哀伯之諫取郅鼎其中所言周家宗廟  
制度固當攷然桓公於弑逆猶忍為之哀伯乃諫  
其取叛臣之鼎是猶不能三年之喪而總小功之  
察者也哀伯亦可謂習而不察矣哀伯魯之賢大  
夫也周內史周之良史也尚不知君臣之大義區  
區然唯納賂之是諫言辭之是取在賢者猶不知  
而況下此者乎

秋九月公及戎盟于唐脩舊好也冬公至自唐告于廟

也凡公行告于宗廟反行飲至舍爵策勲焉禮也特相會往來稱地讓事也自參以上則往稱地來稱會成事也

經三年春正月公會齊侯于贏夏六月公會杞侯于郕秋

七月壬辰朔日有食之既無傳公子翬如齊逆女九月齊侯

送姜氏于讙公會齊侯于讙無傳夫人姜氏至自齊

胡安國曰古者昏禮必親迎則授受之義明後世親迎之禮廢於是有父母兄弟越境而送其女者以公子翬往逆則既輕矣為齊侯來乃逆而會之于讙是

公之行其重在齊侯而不在姜氏豈禮也哉不言以至者既得見乎公也不能防閑於是在敝笱之刺兆矣禮者所以別嫌明微制治于未亂不可不謹也

冬齊侯使其弟年來聘有年

無傳

傳三年春會于贏成昏于齊也公會杞侯于郕杞求成也秋公子翬如齊逆女脩先君之好故曰公子齊侯送姜氏非禮也凡公女嫁于敵國姊妹則上卿送之以禮於先君公子則下卿送之於大國雖公子亦上卿送之

於天子則諸卿皆行公不自送於小國則上大夫送之  
冬齊仲年來聘致夫人也

經四年春正月公狩于郎夏天王使宰渠伯糾來聘

傳見

周

傳四年春正月公狩于郎書時禮也

經五年春正月甲戌

二十日纂例云下脫

夏天王使仍叔之子

來聘城祝丘

無傳

秋大雩螽

無傳

冬州公如曹

傳五年秋大雩書不時也凡祀啟蟄而郊

夏正建寅月

龍見



而霄

建巳月

始殺而嘗

建酉月

閉蟄而烝

建亥月

過則書

經六年春正月實來夏四月公會紀侯于成 秋八月

壬午大閱九月丁卯子同生冬紀侯來朝

傳見紀

傳六年諸侯之大夫戍齊齊人饋之餼使魯為其班後

鄭鄭忽怒故有郎之師十年公之未昏於齊也齊侯欲以

文姜妻忽忽辭 秋大閱簡車馬也 九月丁卯子同

生以大子生之禮舉之接以大牢卜士負之士妻食之

公與文姜宗婦命之公問名於申繻對曰名有五有信

有義有象有假有類以名生為信

若唐叔虞魯公子友

以德命為

義

文王昌武王發

以類命為象

孔子首象尼丘

取於物為假

伯魚生饋鯉

取

於父為類不以國不以官不以山川不以隱疾不以畜

牲不以器幣周人以諱事神名終將諱之故以國則廢

名以官則廢職以山川則廢主以畜牲則廢祀以器幣

則廢禮晉以僖侯廢司徒

僖侯名司徒廢為中軍

宋以武公廢司

空

武公名司空廢為司城

先君獻武廢二山

二山具教也魯獻公名具武公名教更以

其鄉名山是以大物不可以命公曰是其生也與吾同物命

之曰同

類物

經七年春二月己亥焚咸丘

無傳

夏穀伯綏來朝鄧侯

吾離來朝

經八年春正月己卯烝

無傳此夏之仲月非為過而書為下五月復烝見瀆也

天

王使家父來聘夏五月丁丑烝

無傳

秋伐邾冬十月雨

雪

無傳

祭公來遂逆王后于紀

傳見紀

經九年春紀季姜歸于京師冬曹伯使其世子射姑來

朝

經十年春王正月秋公會衛侯于挑丘弗遇

無傳

冬十

有二月丙午齊侯衛侯鄭伯來戰于郎

傳十年冬齊衛鄭來戰于郎我有辭也初北戎病齊

六年

諸侯救之鄭公子忽有功焉齊人餽諸侯使魯次之魯以周班後鄭鄭人怒請師于齊齊人以衛師助之故不稱侵伐先書齊衛王爵也

經十有一年春正月齊人衛人鄭人盟于惡曹秋九月柔會宋公陳侯蔡叔盟于折公會宋公于夫鍾冬十有

二月公會宋公于闕

無傳

經十有二年春正月夏六月壬寅公會紀侯呂子盟于

曲池

傳見紀

秋七月丁亥公會宋公燕人盟于穀丘八

月公會宋公于虛冬十有一月公會宋公于龜丙戌公

會鄭伯盟于武父十有二月及鄭師伐宋丁未戰于宋

傳見鄭

經十有三年春二月公會杞侯鄭伯己巳及齊侯宋公

衛侯燕人戰齊師宋師衛師燕師敗績

傳見鄭

夏大水

無傳

經十有四年春正月公會鄭伯于曹

傳見鄭

無冰夏五

闕文

鄭伯使其弟語來盟秋八月壬申御廩災乙亥嘗

傳十有四年秋八月壬申御廩災乙亥嘗書不害也

經十有五年春二月天王使冢父來求車夏五月公會

齊侯于艾邾人牟人葛人來朝冬十有一月公會宋公

衛侯陳侯于袤伐鄭

傳見鄭

經十有六年春正月公會宋公蔡侯衛侯于曹夏四月

公會宋公衛侯陳侯蔡侯伐鄭秋七月公至自伐鄭冬  
城向

傳十六年春會于曹謀伐鄭也夏伐鄭秋七月公至自  
伐鄭以飲至之禮也冬城向書時也

經十有七年春正月丙辰公會齊侯紀侯盟于黃二月  
丙午公會邾儀父盟于越夏五月丙午及齊師戰于奚  
秋八月及宋人衛人伐邾冬十月朔日有食之

傳十七年夏及齊師戰于奚疆事也於是齊人侵魯疆

疆吏來告公曰疆場之事慎守其一而備其不虞姑盡  
所備焉事至而戰又何謂焉 冬十月朔日有食之不  
書日官失之也天子有日官諸侯有日御日官居卿以  
底日禮也日御不失日以授百官于朝

經十有八年春王正月公會齊侯于濞公與夫人姜氏  
遂如齊夏四月丙子公薨于齊丁酉公之喪至自齊冬

十有二月己丑葬我君桓公

無傳九月葬緩

傳十八年春公將有行遂與姜氏如齊申繻曰女有家



男有室無相瀆也謂之有禮易此必敗公會齊侯于濼

遂及文姜如齊齊侯通焉公謫之以告

夫人告齊侯

夏四月

丙子享公使公子彭生乘公公薨于車

上車曰乘彭生多力拉公幹而

殺之魯人告于齊曰寡君畏君之威不敢寧居來脩舊好

禮成而不反無所歸咎惡於諸侯請以彭生除之齊人

殺彭生

胡安國曰與者許可之詞曰與者罪在公也按齊詩惡魯桓微弱不能防閑文姜使至淫亂為二國

患而其詞曰敝筭在梁其魚唯唯齊子歸止其從  
如水言公於齊姜委曲順從若水從地無所不可  
故為亂者文姜而春秋罪桓公治其本也易曰夫  
夫婦婦而家道正夫不夫則婦不婦矣乾者天道  
也以乘御為才坤者婦道也以順承為事易著於  
乾坤述其理春秋施於桓公見其用

莊公

諡濫勝敵  
克亂曰莊

名同桓公太子文姜所  
生在位三十二年薨

經元年春王正月三月夫人孫于齊夏單伯逆王姬

無傳

秋築王姬之館于外冬王使榮叔來錫桓公命

無傳

王姬

歸于齊

傳元年春不書即位文姜出故也

蘇轍曰不書即位繼故也左氏曰文姜出故也文

姜之出孰與桓公之薨且出在三月舍其大言其

細失之矣

三月夫人孫于齊不稱姜氏絕不為親禮也秋築王姬

之館于外為外禮也

穀梁傳曰單伯吾大夫之命乎天子者也築王姬之館于外仇讎之人非所以接婚姻也衰麻非所以接弁冕也

經二年夏公子慶父帥師伐於餘丘冬十有二月夫人姜氏會齊侯于禚

傳二年冬夫人姜氏會齊侯于禚書姦也

經三年春王正月溺會齊師伐衛 冬公次于滑

鄭地

傳三年春溺會齊師伐衛疾之也 冬公次于滑將會  
鄭伯謀紀故也齊遷紀 凡師一宿為舍再宿為信過信為  
次

趙匡曰案經無信舍之文此例妄也

經四年春王二月夫人姜氏享齊侯于祝丘三月紀伯

姬卒冬公及齊人狩于禚

無傳公穀作饗古者饗享通用

經五年春王正月夏夫人姜氏如齊師

無傳

秋郕犂來

來朝冬公會齊人宋人陳人蔡人伐衛

經六年秋公至自伐衛螟

無傳

冬齊人來歸衛俘

傳六年冬齊人來歸衛寶文姜請之也

經七年春夫人姜氏會齊侯于防夏四月辛卯恒星不

見夜中星隕如雨秋大水

無傳

無麥苗冬夫人姜氏會齊

侯于穀

傳七年春文姜會齊侯于防齊志也夏恒星不見夜明也星隕如雨與雨偕也秋無麥苗不害嘉穀也

劉敞曰大水無麥苗為記災而書而猶謂之不害嘉

穀乎且隱元年例曰凡物不為災不書今不害嘉穀是水不為災不應書大水矣

經八年春王正月師次于郎以俟陳人蔡人甲午治兵夏師及齊師圍郕郕降于齊師秋師還

傳八年春治兵于廟禮也夏師及齊師圍郕郕降于齊師仲慶父請伐齊師公曰不可我實不德齊師何罪罪我之由夏書曰臯陶邁種德德乃降姑務脩德以待時乎秋師還君子是以善魯莊公

趙匡曰勞師會讎何善之有且齊強魯弱自當不敢爭也

經九年春公及齊大夫盟于旣夏公伐齊納子糾秋八

月庚申及齊師戰于乾時我師敗績

齊傳見

冬浚洙

無傳

經十年春王正月公敗齊師于長勺二月公侵宋

無傳

夏六月齊師宋師次于郎公敗宋師于乘丘

傳十年春齊師伐我公將戰曹劌請見其鄉人曰肉食

者謀之又何間焉

肉食在位者間猶與也

劌曰肉食者鄙未能遠



謀乃入見問何以戰公曰衣食所安弗敢專也必以分人對曰小惠未徧民弗從也公曰犧牲玉帛弗敢加也必以信對曰小信未孚神弗福也公曰小大之獄雖不能察必以情對曰忠之屬也可以一戰戰則請從公與之乘戰于長勺公將鼓之劄曰未可齊人三鼓劄曰可矣齊師敗績公將馳之劄曰未可下視其轍登軾而望之曰可矣遂逐齊師既克公問其故對曰夫戰勇氣也一鼓作氣再而衰三而竭彼竭我盈故克之夫大國難

測也懼有伏焉吾視其轍亂望其旗靡故逐之 夏六  
月齊師宋師次于郎公子偃曰宋師不整可敗也宋敗  
齊必還請擊之公弗許自雩門竊出蒙臯<sub>比虎</sub>而先犯  
之公從之大敗宋師于乘丘齊師乃還

經十有一年春王正月 夏五月戊寅公敗宋師于鄆

<sub>子斯切</sub>冬王姬歸于齊

傳十一年夏宋為乘丘之役故侵我公禦之宋師未陳  
而薄之敗諸鄆凡師敵未陳曰敗某師皆陳曰戰大奔

曰敗績得雋曰克覆而敗之曰取某師京師敗曰王師敗績于某

經十有二年春王三月紀叔姬歸于鄆

經十有三年冬公會齊侯盟于柯

傳十三年冬盟于柯始及齊平也

平者蓋平九年十年之怨也杜曰始與齊

相通好以下凡與齊相會盟傳皆詳見齊

經十有五年夏夫人姜氏如齊

無傳

經十有六年春王正月冬十有二月會齊侯宋公陳

侯衛侯鄭伯許男滑伯滕子同盟于幽

經十有七年春齊人執鄭詹秋鄭詹自齊逃來冬多麋

無傳

經十有八年春王三月日有食之

無傳

夏公追戎于濟

西秋有貳

傳十八年夏公追戎于濟西不言其來諱之也秋有貳

為災也

經十有九年春王正月秋公子結媵陳人之婦于鄆遂

及齊侯宋公盟夫人姜氏如莒冬齊人宋人陳人伐我

西鄙

無傳

經二十年春王二月夫人姜氏如莒

無傳

經二十一年春王正月秋七月戊戌夫人姜氏薨

無傳

經二十有二年春王正月肆大眚癸丑葬我小君文姜

秋七月丙午及齊高傒盟于防冬公如齊納幣

無傳

程頤曰莊公於齊義不共戴天迺娶仇讎之女以

奉宗廟母喪未終復忘哀而圖婚姻親如齊納幣

如齊逆女不孝之惡不待貶絕而自見矣

經二十有三年春公至自齊

無傳

祭叔來聘夏公如齊觀

社公至自齊荆人來聘公及齊侯遇于穀

無傳

蕭叔朝公

秋丹桓宮楹冬十有二月甲寅公會齊侯盟于扈

無傳

傳二十三年夏公如齊觀社非禮也曹劌諫曰不可夫

禮所以整民也故會以訓上下之則制財用之節朝以

正班爵之義帥長幼之序征伐以討其不然諸侯有王

王有巡守以大習之非是君不舉矣君舉必書書而不

瀟後嗣何觀秋丹桓宮之楹

經二十有四年春王三月刻桓宮桷夏公如齊逆女秋

公至自齊

無傳

八月丁丑夫人姜氏入戊寅大夫宗婦覲

用幣大水

無傳

傳二十四年春刻其桷皆非禮也

并非丹楹

御孫諫曰臣聞

之儉德之共也侈惡之大也先君有共德而君納諸大

惡無乃不可乎

秋哀姜至公使宗婦覲用幣非禮也

御孫曰男贄大者玉帛小者禽鳥以章物也女贄不過

榛栗棗脩以告虔也今男女同贄是無別也男女之別國之大節也而由夫人亂之無乃不可乎

公說曰左氏國語皆出於丘明之手國語載魯莊公丹桓宮楹而刻其桷匠師慶諫之注曰匠師慶掌大匠大夫禦孫名也哀姜至公使宗婦覲用幣宗人夏父展諫之注曰宗人宗伯也夏父氏也展名也國語所載刻桷用幣二事所諫者一則禦孫二則展父而左氏所載皆出於御孫夫刻桷匠師諫之用幣宗伯



諫之似若有理若謂皆出於御孫則是越匠師而  
侵宗伯之事矣左氏所載不若國語為正

經二十有五年夏六月辛未朔日有食之鼓用牲于社

伯姬歸于杞

無傳

秋大水鼓用牲于社于門冬公子友

如陳

傳二十五年夏六月辛未朔日有食之鼓用牲于社非  
常也唯正月之朔慝未作日有食之於是乎用幣于社  
伐鼓于朝秋大水鼓用牲于社于門亦非常也凡天災

有幣無牲非日月之眚不鼓

楊時曰若如此說則孔子所書日食非正陽之月者皆空言也夏書亦不當言乃季秋月小雅亦不當言十月之交噫是說也啟庸君荒怠不畏天戒之心甚矣

經二十六年春公伐戎夏公至自伐戎秋公會宋人齊人伐徐冬十有二月癸亥朔日有食之

無傳

經二十有七年春公會杞伯姬于洮夏六月公會齊侯

宋公陳侯鄭伯同盟于幽

齊傳見

秋公子友如陳葬原

仲

傳見

冬杞伯姬來莒慶來逆叔姬杞伯來朝

無傳公

會齊侯于城濮

傳見齊

傳二十七年春公會杞伯姬于洮非事也天子非展義

不巡守諸侯非民事不舉卿非君命不越竟冬杞伯

姬來歸寧也凡諸侯之女歸寧曰來出曰來歸夫人歸

寧曰如某出曰歸于某

經二十有八年秋公會齊人宋人救鄭冬築郕大無麥

禾臧孫辰告糴于齊

傳二十八年冬饑臧孫辰告糴于齊禮也築郿非都也凡邑有宗廟先君之主曰都無曰邑邑曰築都曰城

李堯俞曰諸侯救患分災若歸粟於蔡禮也告糴非正也莊公即位今二十有八年興師者十二盟會者九又狩禘觀社丹楹刻桷納幣築郿皆過禮費用是致國家空虛而告糴下又書新延廢城防之類甚之也左氏以為合禮則禮經所謂九年三年之蓄者宜

為非禮乎

經二十有九年春新延廡秋有蜚冬十有二月紀叔姬

卒

無傳

城諸及防

傳二十九年春新作延廡書不時也凡馬日中而出日

中而入

日中春秋分

秋有蜚為災也凡物不為災不書冬十

二月城諸及防書時也凡土功龍見而畢務戒事也

周十

一月今九月龍星見

火見而致用

大火心星次角亢

水昏正而裁

今十月定星昏

而日至而畢

公說曰聞之胡安國傳曰言新者有故也何以書  
昔韓昭侯作高門屈宜臼曰不時所謂時者非時  
日也人故有利不利時前年秦攻宜陽今年旱君  
不以此時恤民之急而顧益奢此所謂時誑舉羸  
者也故穀梁子曰古之君人者必時視民之所勤  
民勤於力則功築罕民勤於財則貢賦少民勤於  
食則百事廢矣穀梁胡氏以之傳新延廢而公說  
則併以正左氏城諸及防書時之失也

經三十年春王正月夏次于成秋八月癸亥葬紀叔姬

九月庚午朔日有食之鼓用牲于社

無傳

冬公及齊侯

遇于魯濟齊人伐山戎

經三十有一年春築臺于郎夏四月築臺于薛六月齊

侯來獻戎捷秋築臺于秦冬不雨

無傳

經三十有二年春城小穀秋七月癸巳公子牙卒八月

癸亥公薨于路寢冬十月己未子般卒公子慶父如齊

傳三十二年

初公築臺臨黨氏

魯大夫

見孟任從之閔

黨氏女閼

不從公

而以夫人言許之

許以爲夫人

割臂盟公生子般

焉雩講于梁氏女公子觀之

梁氏魯大夫女公子子般妹

圍人犛自

牆外與之戲子般怒使鞭之公曰不如殺之是不可鞭

犛有力焉能投蓋于稷門

走而自投接其屋之掬

公疾問後於叔

牙對曰慶父材

欲進其同母兄

問於季友

莊公母弟成季

對曰臣以死

奉般公曰鄉者牙曰慶父材成季使以君命命僖叔待

于鍼巫氏使鍼季酖之曰飲此則有後於魯國不然死


且無後飲之歸及遼泉而卒立叔孫氏八月癸亥公



薨于路寢子般即位次于黨氏冬十月己未共仲慶父使

圍人犂賊子般于黨氏成季奔陳立閔公莊公庶子於

是年八歲



春秋分記卷四十七

# 欽定四庫全書

經部

程氏春秋分記卷四十九

詳校官監察御史<sub>臣</sub>李陽楫

給事中<sub>臣</sub>溫常綬覆勘

總校官原任中允<sub>臣</sub>王燕緒

校對官主簿<sub>臣</sub>汪日贊

謄錄監生<sub>臣</sub>張鴻仁

欽定四庫全書

春秋分記卷四十八

宋程公說撰

內魯第二

閔公

倍公

文公

閔公

謚濫在國  
遺難曰閔

名開莊公庶子莊公娶哀姜無子其  
婦秋姜所生立年八歲在位二年薨

經元年春王正月夏六月辛酉葬我君莊公秋八月

公及齊侯盟于落姑季子來歸 冬齊仲孫來

傳元年春不書即位亂故也 夏六月葬莊公亂故是

以緩

十一月葬

秋八月公及齊侯盟于落姑請復季友

也齊侯許之使召諸陳公次于郎以待之季子來歸嘉

之也 冬齊仲孫湫來省難書曰仲孫亦嘉之也仲孫

歸曰不去慶父魯難未已

時慶父已還魯

公曰若之何而去之

對曰難不已將自斃君其待之公曰魯可取乎對曰不

可猶秉周禮周禮所以本也臣聞之國將亡本必先顛

而後枝葉從之魯不棄周禮未可動也君其務寧魯難而親之親有禮因重固間攜貳覆昏亂霸王之器也

經二年春王正月 夏五月乙酉吉禘于莊公 秋八

月辛丑公薨九月夫人姜氏孫于邾公子慶父出奔莒

### 冬齊高子來盟

傳二年夏吉禘于莊公速也初公傳奪卜齋田公不禁

公年八歲知愛其傳

遂成其意以奪齋田

蘭敏修曰閔公即位年八歲而公傳奪卜齋田是

舉也誰執其咎乎公之幼未能從宗廟之事也不  
以誅公之傳不以誅任政之臣而曰公不禁成王  
幼不能踐祚周公抗世子法於伯禽欲令成王之  
知父子君臣長幼之義也成王有過則撻伯禽所  
以示成王世子之道也左氏修周公之法不能舉  
是以繩之杜預又仍其繆陋矣

秋八月辛丑共仲使卜齕賊公于武闈成季以僖公適  
邾共仲奔莒乃入立之以賂求共仲于莒莒人歸之及

密使公子魚請不許哭而往共仲曰奚斯公子魚之聲也

乃縊 閔公哀姜之娣叔姜之子也故齊人立之共仲

通於哀姜哀姜欲立之閔公之死也哀姜與知之故孫

遜音遜于邾齊人取而殺之于夷以其尸歸僖公請而葬之

成季之將生也桓公使卜楚丘之父卜之曰男也其名

曰友在公之右在右言用事間于兩社為公室輔季氏亡則

魯不昌又筮之遇大有乾下離之乾乾下乾上乾大有六五變

而為乾曰同復于父敬如君所及生有文在其手曰友遂



以命之成風

莊公妾  
僖公母

聞成季之繇乃事之而屬僖公焉

故成季立之

僖公

議灋小心  
畏忌曰僖

名申莊公子閔公庶兄成  
風所生在位三十三年薨

經元年春王正月

秋七月戊辰夫人姜氏薨于夷齊

人以歸

傳在閔  
二年

八月公會齊侯宋公鄭伯曹伯邾人于

檉九月公敗邾師于偃冬十月壬午公子友帥師敗

莒師于郚獲莒俘十有二月丁巳夫人氏之喪至自齊

傳元年春不稱即位公出故也公出復入不書諱之也

諱國惡禮也 秋九月公敗邾師于偃虛丘之戍將歸

者也

邾人既送哀姜齊人殺之因戍虛丘欲以謀魯

冬莒人來求賂

求還慶父之賂

公子友敗諸鄆獲莒子之弟棼非卿也嘉獲之也公賜季友汶陽之田及費夫人氏之喪至自齊君子以齊人之殺哀姜也為已甚矣女子從人者也

經二年春王正月 夏五月辛巳葬我小君哀姜 冬

十月不雨

傳在三年

經三年春王正月不雨 夏四月不雨六月雨 冬公

子友如齊蒞盟

傳見齊

傳三年春不雨 夏六月雨自十月不雨至于五月不

曰旱不為災也

經四年春王正月公會齊侯宋公陳侯衛侯鄭伯許男

曹伯侵蔡蔡潰遂伐楚次于陘 秋及江人黃人伐陳

八月公至自伐楚 冬十有二月公孫茲帥師會齊人

宋人衛人鄭人許人曹人侵陳

傳見齊

經五年春杞伯姬來朝其子夏公孫茲如牟公及齊

侯宋公陳侯衛侯鄭伯許男曹伯會王世子于首止

傳見

齊

秋九月戊申朔日有食之

無傳

傳五年春王正月辛亥朔日南至公既視朔遂登觀臺以望而書禮也凡分至啟閉必書雲物為備故也夏公孫茲如牟娶焉

經六年春王正月夏公會齊侯宋公陳侯衛侯曹伯伐

鄭圍新城

傳見齊

冬公至自伐鄭

無傳

經七年夏小邾子來朝

秋七月公會齊侯宋公陳世

子款鄭世子華盟于甯母

傳見齊

公子友如齊

傳無

經八年春王正月公會王人齊侯宋公衛侯許男曹伯

陳世子款盟于洮

傳見周

秋七月禘于大廟用致夫人

傳八年秋禘而致哀姜非禮也凡夫人不薨于寢不殯于廟不赴于同

同盟

不祔于姑則弗致也

趙匡曰案元年哀姜稱夫人以薨明用夫人喪禮已久矣何乃八年始致之乎

經九年夏公會宰周公齊侯宋子衛侯鄭伯許男曹伯

于葵丘

秋七月乙酉伯姬卒

無傳

九月戊辰諸侯盟于

葵丘

齊傳見

經十年春王正月公如齊

冬大雨雪

無傳

經十有一年夏公及夫人姜氏會齊侯于陽穀 秋八

月大雩

無傳

經十有二年春王三月庚午日有食之

無傳

經十有三年夏公會齊侯宋公陳侯衛侯鄭伯許男曹

伯于鹹

傳見齊

秋九月大雩

冬公子友如齊

傳無

經十有四年夏六月季姬及鄆子遇于防使鄆子來朝

傳見

鄆

經十有五年春王正月公如齊三月公會齊侯宋公陳

侯衛侯鄭伯許男曹伯盟于牡丘遂次于匡公孫敖帥

師及諸侯之大夫救徐

傳見齊

夏五月日有食之秋

八月螽九月公至自會季姬歸于鄆

傳無

已卯晦震夷伯

之廟

傳十五年夏五月日有食之不書朔與日官失之也

秋九月震夷伯之廟罪之也於是展氏有隱慝焉

夷伯展氏

之祖父

經十有六年春王正月三月壬申公子季友卒夏

四月丙申鄆季姬卒秋七月甲子公孫茲卒

無傳

冬

十有二月公會齊侯宋公陳侯衛侯鄭伯許男邢侯曹

伯于淮

傳見齊

經十有七年夏滅項秋夫人姜氏會齊侯于卞九



月公至自會

傳十七年夏師滅項

魯師

淮之會公有諸侯之事未歸而

取項齊人以為討而止公秋聲姜以公故會齊侯于卞  
九月公至書曰至自會猶有諸侯之事焉且諱之也

經十有八年春王正月宋公曹伯衛人邾人伐齊 夏

師救齊

無傳

前年冬齊桓公卒

經十有九年冬會陳人蔡人楚人鄭人盟于齊

齊傳見齊家

經二十年春新作南門 夏郕子來朝 五月乙巳西

宮災

無傳

傳二十年春新作南門書不時也凡啟塞從時

經二十有一年夏大旱冬公伐邾

邾傳見

楚人使宜

申來獻捷十有二月癸丑公會諸侯盟于薄釋宋公

宋傳見

宋

傳二十一年夏大旱公欲焚巫尪臧文仲曰非旱備也脩城郭貶食省用務穡勸分此其務也巫尪何為天欲殺之則如勿生若能為旱焚之滋甚公從之是歲也饑

而不害

啖助曰左氏記文仲之言合取其諫辭而略是歲也饑而不害一句

經二十有二年春公伐邾取須句秋八月丁未及邾人戰于升陘

傳二十二年春伐邾取須句秋邾人以須句故出師公卑邾不設備而禦之臧文仲曰國無小不可易也無備雖衆不可恃也詩曰戰戰兢兢如臨深淵如履薄冰又

曰敬之敬之天維顯思命不易哉先王之明德猶無不  
難也無不懼也况我小國乎君其無謂邾小蟲蠹有毒  
而况國乎弗聽八月丁未公及邾師戰于升陘我師敗  
績邾人獲公胄縣諸魚門

經二十有三年

經二十四年春王正月

經二十有五年冬十有二月癸亥公會衛子莒慶盟于

洮

衛成為魯平元

傳見

衛

經二十有六年春王正月己未公會莒子衛甯速盟于  
向齊人侵我西鄙公追齊師至鄆弗及夏齊人伐我北  
鄙衛人伐齊公子遂如楚乞師冬公以楚師伐齊取穀  
公至自伐齊

無傳

傳二十六年春王正月公會莒茲平公甯莊子盟于向  
尋洮之盟也齊師侵我西鄙討是二盟也 夏齊孝公

伐我北鄙衛人伐齊洮之盟故也公使展喜犒師使受

命于展禽

柳下惠

齊侯未入竟展喜從之曰寡君聞君親

舉玉趾將辱於敝邑使下臣攜執事齊侯曰魯人恐乎  
對曰小人恐矣君子則否齊侯曰室如縣磬野無青草  
何恃而不恐對曰恃先王之命齊侯乃還東門襄仲臧  
文仲如楚乞師臧孫見子玉而道之伐齊宋以其不臣  
也 冬公以楚師伐齊取穀凡師能左右之曰以

經二十有七年春杞子來朝 秋八月乙巳公子遂帥師

入杞

傳見杞

冬十有二月甲戌公會諸侯盟于宋

傳見宋

經二十有八年春公子買戍衛不卒戍刺之 夏五月

癸丑公會晉侯齊侯宋公蔡侯鄭伯衛子莒子盟于踐

土公朝于王所秋杞伯姬來公子遂如齊

無傳

冬公會

晉侯齊侯宋公蔡侯鄭伯陳子莒子邾子秦人于溫天

王狩于河陽壬申公朝于王所

無月闕文

遂會諸侯圍許

傳見晉

經二十有九年春介葛盧來

公至自圍許

無傳

夏六

月會王人晉人宋人齊人陳人蔡人秦人盟于翟泉

秋大雨電

冬介葛盧來

傳二十九年秋大雨電為災也

經三十年春王正月 冬天王使宰周公來聘公子遂如京師遂如晉

傳三十年冬王使周公閱來聘東門襄仲將聘于周遂

初聘于晉

自入春秋  
魯始聘晉

經三十有一年春取濟西田公子遂如晉 夏四月四

卜郊不從乃免牲猶三望 冬杞伯姬來求婦

傳見杞

傳三十一年春取濟西田分曹地也使臧文仲往宿於重館重館人告曰晉新得諸侯必親其共不速行將無



及也從之分曹地自洮以南東傳于濟盡曹地也襄仲如晉拜曹田也夏四月卜郊不從乃免牲非禮也猶三望亦非禮也禮不卜常祀而卜其牲日牛卜日曰牲牲成而卜郊上怠慢也望郊之細也不郊亦無望可也

經三十有二年春王正月

經三十有三年春齊侯使國歸父來聘夏公伐邾取

訾婁

秋公子遂帥師伐邾

傳見邾

冬十月公如齊十

有二月公至自齊乙巳公薨于小寢墮霜不殺草李梅

實

無傳

傳三十三年春齊國莊子來聘臧文仲言於公曰國子為政齊猶有禮君其朝焉夏公伐邾取訾婁以報升

陘之役秋襄仲復伐邾冬公如齊朝反薨于小寢

即安也

葬僖公緩

文公元年經書四月葬僖公自此以下遽因說作主祭祀之事文相

次作主非禮也

文二年作主通識之

凡君薨卒哭而祔祔而作主

特祀於主烝嘗禘於廟

文公

謚懷慈惠  
愛民曰文

名興僖公子聲姜所  
生在位十八年薨

經元年春王正月公即位 二月癸亥日有食之無天

王使叔服來會葬 夏四月丁巳葬我君僖公七月而葬

天王使毛來錫公命叔孫得臣如京師 秋公孫敖會

晉侯于戚

傳見  
晉

冬十月公孫敖如齊

傳元年春王使內史叔服來會葬公孫敖聞其能相人也見其二子焉叔服曰穀也食子難也收子穀也豐下

必有後於魯國

豐下面方為八年  
公孫叔奔莒傳

於是閏三月非禮

也先王之正時也履端於始舉正於中歸餘於終

步歷之始

以為術之端首期之日三百六十有六日日月之行又有遲速而必分為十二月舉中氣以正月有餘日則歸

之於終積而為閏

履端於始序則不愆

四時無愆

舉正於中民則不

惑

斗建不失其次寒暑不失其常故無疑惑

歸餘於終事則不悖

四時得所則事無悖

亂悖必內反

夏四月丁巳葬僖公

七月而葬緩

王使毛伯衛來賜

公命叔孫得臣如周拜

冬十月穆伯如齊

公孫叔

始聘

焉禮也凡君即位卿出並聘踐脩舊好要結外援好事

鄰國以衛社稷忠信卑讓之道也忠德之正也信德之固也卑讓德之基也

經二年春王二月丁丑作僖公主三月乙巳及晉處父

盟夏六月公孫敖會宋公陳侯鄭伯晉士父盟于垂

隴自十有二月不雨至于秋七月無傳八月丁卯大事于

太廟躋僖公冬公子遂如齊納幣

傳二年春二月丁丑作僖公主書不時也過葬十月晉故曰不時

人以公不朝來討公如晉夏四月己巳晉人使陽處

父盟公以恥之

經書三月乙巳  
經傳必有誤

書曰及晉處父盟以厭

之也適晉不書諱之也公未至六月穆伯會諸侯及晉

司空士穀盟于垂隴

秋八月丁卯大事于大廟躋僖

公逆祀也

躋僖  
閔上

於是夏父弗忌為宗伯尊僖公且明見

曰吾見新鬼大故鬼小

新鬼僖公既為兄死時年又長  
故鬼閔公死時年少弗忌明言

其所

見 先大後小順也躋聖賢明也

以僖公  
為聖賢

明順禮也君

子以為失禮禮無不順祀國之大事也而逆之可謂禮

乎子雖齊聖不先父食久矣

先悉薦反下  
不先皆同

故禹不先鯀

湯不先契

鯀禹父契湯十三世祖

文武不先不密

后稷子

宋祖帝乙

鄭祖厲王猶上祖也

帝乙微子父厲王鄭桓公父二國不以帝乙厲王不肖猶尊尚之

是以魯頌曰春秋匪解享祀不忒皇皇后帝皇祖后稷

君子曰禮謂其后稷親而先帝也詩曰問我諸姑遂及

伯姊

邶風

君子曰禮謂其姊親而先姑也仲尼曰臧文仲

其不仁者三不知者三下展禽

知柳下惠賢而使在下位廢六關

塞關

陽關之屬凡六關所以禁絕未遊而廢之

妾織蒲三不仁也

與民爭利

作虛器

山節

梳縱逆祀

聽躋僖公

祀爰居

海鳥曰爰居止於魯東門外文仲以為神命國人祀見國語莊

子云魯侯御而觴之于廟

三不知也

正義曰魯臣多矣而獨譏文仲者以文仲執國之政有大知之

名為不知之事

冬襄仲如齊納幣禮也凡君即位好舅甥脩

昏姻娶元妃以奉粢盛

音成

孝也孝禮之始也

經三年春王正月叔孫得臣會晉人宋人陳人衛人鄭

人伐沈沈潰

詳見沈

冬公如晉十有二月己巳公及晉

侯盟

傳三年冬晉人懼其無禮於公也請改盟

改二年處父之盟

公

如晉及晉侯盟晉侯饗公賦菁菁者莪

既見君子樂且有儀

莊叔



以公降拜曰小國受命於大國敢不慎儀君貺之以大禮何樂如之抑小國之樂大國之惠也晉侯降辭登成

拜公賦嘉樂

宜民  
宜人

經四年春公至自晉

無傳

夏逆婦姜于齊 秋衛侯使

甯俞來聘

冬十有一月壬寅夫人風氏薨

莊公  
妾

傳四年夏逆婦姜于齊卿不行非禮也君子是以知出

姜之不允於魯也

允信也文公薨而  
見出故曰出姜

曰貴聘而賤逆之

君而卑之立而廢之弃信而壞其主在國必亂在家必

亡不允宜哉詩曰畏天之威于時保之敬主之謂也

劉敞曰正始之道也待之不以夫人之禮故夫人  
不以其位終國亂子弑強臣擅命幾於亡矣夫文  
公非不欲存妻子傳世者也闇弱情慢不能率禮  
而行以謂苟若而可何禮之守故卒至於禍也夫  
婦之際人倫之首可不慎哉故鑒末以原本因微  
以知著又非獨文公之罪也雖夫人預有罪矣當  
是之時夫人不能早辭喪娶之辱冒大禮以往國

人皆賤之遂無所據依以危其身而亡其子由本  
不正故也殆而呼天不亦晚乎

冬成風薨

經五年春王正月王使榮叔歸含且賵三月辛亥葬我  
小君成風王使召伯來會葬夏公孫敖如晉無傳

傳五年春王使榮叔來含且賵召昭公來會葬禮也

經六年夏季孫行父如陳秋季孫行父如晉冬十

月公子遂如晉閏月不告朔猶朝于廟

傳六年臧文仲以陳衛之睦也欲求好於陳 夏季文

子聘于陳且娶焉 秋季文子將聘於晉使求遭喪之

禮以行

聞晉襄疾故

其人曰將焉用之文子曰備豫不虞古

之善教也求而無之實難過求何害

所謂三思後行

藺敏修曰禮之別有五賓之不可以為軍猶吉之不

可以為凶也賓以軍則暴軍以賓則怯凶以吉則忍

吉以凶則愍禮之所施各當其理而已施而不當非

禮也季文子聘晉告于先君之廟而後行其禮之

賓者歟禮之吉者歟今求遭喪之禮以行豈禮也哉  
晉侯雖有疾不幸而死諸侯五月同盟至歸再聘焉  
可也未死則吾不幾於幸亡樂禍晉以是討焉豈不  
危哉而曰備豫不虞妄矣嘗讀聘禮見書幣幣陳  
幣奠幣而無豫備之幣惜乎行父於是獨不三思也

冬閏月不告朔非禮也閏以正時時以作事事以厚生  
生民之道於是乎在矣不告閏朔弃時政也何以為民  
經七年春公伐邾三月甲戌取須句

傳見邾

遂城郛

無傳

夏狄侵我西鄙 秋八月公會諸侯晉大夫盟于扈

冬公孫敖如莒蒞盟

傳七年夏狄侵我西鄙公使告于晉

詳見晉

秋八月會

晉趙盾盟于扈晉侯立故也公後至故不書所會凡會諸侯不書所會後也後至不書其國辟不敏也

劉敞曰按經公與盟矣何謂後會乎十六年會于

扈亦不序諸侯寧復魯侯後會邪未可以類推也

穆伯

公孫敖

娶于莒曰戴已生文伯

穀

其娣聲已生惠叔

難戴已卒又聘于莒莒人以聲已辭則為襄仲聘焉襄仲

公孫敖從  
父昆弟

冬徐伐莒莒人來請盟穆伯如莒涖盟且為

仲逆及鄆陵登城見之美自為娶之仲請攻之公將許之叔仲惠伯諫叔牙曰臣聞之兵作於內為亂於外為

寇寇猶及人亂自及也今臣作亂而君不禁以啟寇讎

若之何公止之惠伯成之

平二子

使仲舍之

舍不娶

公孫敖

反之

還莒女

復為兄弟如初從之

經八年春王正月 冬十月壬午公子遂會趙盾盟于

衡雍乙酉公子遂會雒戎盟于暴公孫敖如京師不至

而復丙戌奔莒

蟲無傳

傳八年秋襄王崩晉人以扈之盟來討冬襄仲會晉

趙孟盟于衡雍報扈之盟也遂會伊雒之戎書曰公子

遂珍之也穆伯如周弔喪不至以幣奔莒從已氏焉

經九年春毛伯來求金夫人姜氏如齊三月叔孫得臣

如京師

傳見周

三月夫人姜氏至自齊公子遂會晉人宋

人衛人許人救鄭

秋九月癸酉地震

無傳

冬楚子使



叔來聘秦人來歸僖公成風之祔

傳見秦

傳九年冬秦人來歸僖公成風之祔禮也諸侯相弔賀也雖不當事苟有禮焉書也以無忘舊好

經十年春王三月辛卯臧孫辰卒自正月不雨至于秋

七月

無傳

及蘇子盟于女栗

傳見周

經十有一年夏叔仲彭生會卻缺于承匡

傳見晉

秋曹

伯來朝公子遂如宋

傳見宋

冬十月甲午叔孫得臣敗

狄于鹹

傳十一年秋鄭瞞侵齊遂伐我公卜使叔孫得臣追之  
吉侯叔夏御莊叔繇房甥為右富父終甥駟乘 冬十  
月甲午敗狄于鹹獲長狄僑如

經十有二年春王正月邾伯來奔

傳見邾

杞伯來朝二月

庚子子叔姬卒

秋滕子來朝秦伯使術來聘

傳見滕秦

冬十有二月季孫行父帥師城諸及鄆

傳十二年春杞桓公來朝始朝公也

公即位始來朝

且請絕叔

姬而無絕昏公許之二月叔姬卒不言杞絕也書叔姬

言非女也 秋滕昭公來朝亦始朝公也 冬十二月

城諸及鄆書時也

經十有三年春王正月自正月不雨至于秋七月

無大傳

室屋壞 冬公如晉衛侯會公于沓十有二月己丑公

及晉侯盟公還自晉鄭伯會公于棐

傳十三年秋七月大室之屋壞書不共也 冬公如晉

朝且尋盟衛侯

成會

公于沓請平于晉鄭伯

穆公

會公于

棐亦請平于晉公皆成之

詳見鄭

經十有四年春王正月公至自晉無傳邾人伐我南鄙叔

彭生帥師伐邾傳見邾夏六月公會宋公陳侯衛侯鄭

伯許男曹伯晉趙盾癸酉同盟于新城傳見晉秋七月

有星孛入于北斗公至自會無傳九月甲申公孫敖卒于

齊冬單伯如齊齊人執單伯齊人執子叔姬傳見齊

傳十四年秋七月有星孛入于北斗周内史叔服曰不

出七年宋齊晉之君皆將死亂後三年宋弒昭公五年齊弒懿公七年晉弒靈

公穆伯之從已氏也魯人立文伯穀穆伯生二子於莒

而求復文伯以為請襄仲使無朝聽命復而不出

不得使與

聽政事終寢於家

三年而盡室以復適莒文伯疾而請曰穀之

子弱

子孟獻子

請立難也

穀弟

許之文伯卒立惠叔穆伯請重

賂以求復惠叔以為請許之將來九月卒于齊告喪請

葬弗許

經十有五年春季孫行父如晉三月宋司馬華孫來盟

傳見宋

夏曹伯來朝

傳見曹

齊人歸公孫敖之喪六月辛

丑朔日有食之鼓用牲于社單伯至自齊秋齊人侵

我西鄙季孫行父如晉 冬十有一月諸侯盟于扈十  
有二月齊人來歸子叔姬齊侯侵我西鄙

傳十五年春季文子如晉為單伯與子叔姬也 夏齊

人或為孟氏謀

公孫教家

曰魯爾親也飾棺寘諸堂阜

堂阜齊魯

竟上地飾棺不殯示無所歸

魯必取之從之卞人以告

魯邑

惠叔猶毀

以為請立於朝以待命許之取而殯之齊人送之書曰

齊人歸公孫敖之喪為孟氏且國故也葬視共仲

制如慶父

以罪降

聲已不視帷堂而哭

惠叔母

怨敖從

襄仲欲勿哭

怨教取  
其妻

惠伯曰喪親之終也雖不能始善終可也史佚

有言曰兄弟致美救乏賀善弔災祭敬喪哀情雖不同

毋絕其愛親之道也子無失道何怨於人襄仲說帥兄

弟以哭之

他年其二子來

故在苦  
所生

孟獻子

穀之子

愛之

聞於國或譖之曰將殺子獻子以告季文子二子曰夫

子以愛我聞我以將殺子聞不亦遠於禮乎遠禮不如

死一人門于句颺

莫幸切

一人門于戾丘皆死

六月辛

丑朔日有食之鼓用牲于社非禮也日有食之天子不

舉去歲饑

伐鼓于社諸侯用幣于社伐鼓于朝以昭事神

訓民事君示有等威古之道也單伯至自齊貴之也

秋齊人侵我西鄙故季文子告于晉 冬十一月盟于扈

謀伐齊也於是有齊難是以公不會書曰諸侯盟于扈無能為故也凡諸侯會公不與不書諱君惡也與而不書後也齊侯侵我西鄙謂諸侯不能也

經十有六年春季孫行父會齊侯于陽穀齊侯弗及盟

夏五月公四不視朔

自二月至三月

六月戊辰公子遂及齊侯



盟于鄆丘 秋八月辛未夫人姜氏薨

文公母也

毀泉臺

傳十六年春王正月及齊平公有疾使季文子會齊侯

于陽穀請盟齊侯不肯曰請俟君間

差也

夏五月公四

不視朔疾也 公使襄仲納賂于齊侯故盟于鄆丘

以信

疾且賂有蛇自泉宮出入于國如先君之數

伯禽至僖公十七君

秋七月辛未齊姜薨毀泉臺

魯人以為蛇妖所出故壞之

經十有七年夏四月癸亥葬我小君聲姜齊侯伐我西

鄙

西當為北經誤

六月癸未公及齊侯盟于穀 秋公至自穀

冬公子遂如齊

傳十七年夏四月癸亥葬聲姜有齊難是以緩齊侯伐  
我北鄙襄仲請盟六月盟于穀 冬十月襄仲如齊拜  
穀之盟

經十有八年春王二月丁丑公薨于臺下 夏六月癸  
酉葬我君文公 秋公子遂叔孫得臣如齊 冬十月

子卒夫人姜氏歸于齊季孫行父如齊

無傳

傳十八年春齊侯戒師期

將以伐魯

而有疾醫曰不及秋將

死公聞之卜曰尚無及期惠伯令龜卜楚丘占之曰齊

侯不及期非疾也君亦不聞

言君先齊侯終

令龜有咎二月丁

丑公薨

夏六月葬文公

秋襄仲莊叔如齊文公二

妃敬嬴生宣公敬嬴嬖而私事襄仲宣公長而屬諸襄

仲襄仲欲立之叔仲

惠伯

不可仲見于齊侯而請之齊侯

新立而欲親魯許之

冬十月仲殺惡及視而立宣公

惡太子視其母弟殺視不書賤之

書曰子卒諱之也仲以君命召惠伯

詐以子惡命

其宰公冉務人止之曰入必死叔仲曰死君命

可也公冉務人曰若君命可死非君命何聽弗聽乃入

殺而埋之馬矢之中

惠伯死史畏襄仲不書

公冉務人奉其帑以

奔蔡既而復叔仲氏

不絕其後

晁補之曰襄仲以敬嬴故殺適立庶叔仲初不可是也既立宣公而詐以子惡之命已可以逃矣知非君命而以君命往死之可以死可以無死死傷勇嗚呼惠伯

夫人姜氏歸于齊大歸也

惡視母出姜

將行哭而過市曰天

乎仲為不道殺適立庶市人皆哭魯人謂之哀姜 莒大  
子僕弑紀公以其寶玉來奔納諸宣公公命與之邑曰  
今日必授季文子使司寇出諸竟曰今日必達公問其  
故季文子使大史克對曰先大夫臧文仲教行父事君  
之禮行父奉以周旋弗敢失隊音墜曰見有禮於其君者  
事之如孝子之養父母也見無禮於其君者誅之如鷹  
鷂之逐鳥雀也先君周公制周禮曰則以觀德德以處  
事事以度功功以食音嗣民作誓命曰毀則為賊掩賊為

藏竊賄為盜盜器為姦主藏之名賴姦之用為大凶德

有常無赦在九刑不忘行父還

音旋

觀宮僕莫可則也孝

敬忠信為吉德盜賊藏姦為凶德夫宮僕則其孝敬則

弑君父矣則其忠信則竊寶玉矣其人則盜賊也其器

則姦兆也保而利之則主藏也以訓則昏民無則焉不

度於善而皆在於凶德是以去之昔高陽氏

顯頊

有才子

八人蒼舒隤

音

直由

戴大臨

龍降庭

堅仲容

叔達

垂益禹臯陶之倫庭堅臯陶字

齊聖廣淵明允篤誠天下之民謂之八

愷高辛氏

帝

有才子八人伯奮仲堪叔獻季仲伯虎仲

熊叔豹季狸

稷契朱虎  
熊罷之倫

忠肅共懿宣慈惠和天下之民

謂之八元此十六族也世濟其美不隕其名以至于堯

堯不能舉舜臣堯舉八愷使主后土以揆百事莫不時

序地平天成舉八元使布五教于四方父義母慈兄友

弟恭子孝內平外成昔帝鴻氏

黃帝

有不才子掩義隱賊

好行凶德醜類惡物頑嚚不友是與比周天下之民謂

之渾敦

驩

少皞氏

金天

有不才子毀信廢忠崇飾惡言靖

諧庸回服讒蒐慝以誣盛德天下之民謂之窮奇

共頑工端

項氏有不才子不可教訓不知詒言告之則頑舍之則

嚚傲很明德以亂天常天下之民謂之擣杙

伯鯀

此三族

也世濟其凶增其惡名以至于堯堯不能去縉雲氏

黃帝

時官名

有不才子貪于飲食冒于貨賄侵欲崇侈不可盈

厭聚斂積實不知紀極不分孤寡不恤窮匱天下之民

以比三凶謂之饕餮

貪財為饕貪食為餮

舜臣堯賓于四門流四

凶族渾敦窮奇擣杙饕餮投諸四裔以禦魑魅是以堯



崩而天下如一同心戴舜以為天子以其舉十六相去  
四凶也故虞書數舜之功曰慎徽五典五典克從無違  
教也曰納于百揆百揆時序無廢事也曰賓于四門四  
門穆穆無凶人也舜有大功二十而為天子今行父雖  
未獲一吉人去一凶矣於舜之功二十之一也庶幾免  
於戾乎

春秋分記卷四十八